



PROCEDEMENTO: CT402C – Subvencións para actividades de distribución para industrias culturais.

ASUNTO: 2ª Resolución de concesión

## ANTECEDENTES ADMINISTRATIVOS

1. O día 22 de abril de 2024, DOG núm. 79, publícase a Resolución do 2 de abril de 2024 pola que se establecen as bases reguladoras, en réxime de concorrencia non competitiva, para a concesión de subvencións ás actividades de distribución para industrias culturais e convócanse para o ano 2024. (Código de Procedemento CT402C).

2. No artigo 13 das bases da convocatoria establécese que na concesión das subvencións seguirase un procedemento abreviado en que o informe e a proposta de resolución serán efectuados nun único acto pola Dirección da Axencia, elevándose á presidencia da Agadic para a súa aprobación posterior, consonte o procedemento previsto nos artigos 19.2 e 22 da Lei 9/2007, do 13 de xuño, de subvencións de Galicia.

As solicitudes de subvencións nestas modalidades examinaranse, e serán outorgadas, sempre que cumpran os requisitos esixidos nesta convocatoria, por orde cronolóxica, tendo en conta a data de entrada no rexistro da Agadic.

3. No punto 2 do artigo 13 das bases da convocatoria indica que "ao tratarse dunha convocatoria aberta que dispón do crédito vixente en actos sucesivos de adjudicación, a Axencia publicará no DOG o esgotamento da partida orzamentaria asignada, así como a inadmisión de posteriores solicitudes destinadas a participar



dos subtipos de subvención indicados. Desde o momento en que se esgote o crédito orzamentario, non serán outorgadas novas subvencións a estas modalidades, sen prexuízo do cumprimento do disposto no artigo 31.4 da Lei de subvencións de Galicia.

4. O artigo 8 das bases da convocatoria establece que o prazo de presentación de solicitudes rematará aos cinco meses da súa apertura que se iniciou aos 10 días da publicación no Diario Oficial de Galicia.

5. Esta circunstancia implica que, para unha xestión eficaz e eficiente do procedemento, é necesario a resolución de solicitudes de xeito sucesivo co obxecto de que as persoas solicitantes que sexan beneficiarias poidan desenvolver o proxecto obxecto da subvención.

6. En aplicación do establecido nas bases da convocatoria, con data 28 de xuño de 2024, asinouse a resolución da primeira quenda de axudas, esgotando o crédito orzamentario destinado ás modalidades A2, A3 e A4.

7. As solicitudes recibidas, nas modalidades que se expresan, dende o 29 de xuño e ata o 2 de outubro do 2024, data finalización do prazo de presentación de solicitudes, relacionadas no anexo I, foron analizadas, xunto a documentación complementaria presentada e/ou requerida, de ser o caso.

8. Con data 9 de outubro do 2024, o director da Agadic, en calidade de órgano instrutor do procedemento, tal e como se recolle no artigo 13 das bases da convocatoria asina a proposta de resolución da segunda quenda que é elevada ao Presidente do Consello Reitor para a súa resolución.

## CONSIDERACIÓNS LEGAIS E TÉCNICAS

1. É competente para a resolución de concesión da axuda o presidente do Consello Reitor de Agadic, de conformidade co disposto no artigo 14 da Resolución do 2 de abril de 2024, que establece que a presidencia do Consello Reitor de Agadic, deberá





ditar unha resolución expresa no prazo de 15 días desde a data de recepción da proposta de resolución do órgano instrutor do procedemento.

2. Segundo o establecido no artigo 14 das bases da convocatoria, a resolución deberá ser expresa, motivada e fará mención das persoas beneficiarias e a contía da axuda, así como do seu carácter de axuda de mínimos.

3. As persoas beneficiarias deberán ter en conta que este importe da axuda ten carácter de mínimos, de acordo ao Regulamento (UE) 2023/2831 da Comisión, do 13 de decembro de 2023, relativo á aplicación dos artigos 107 e 108 do Tratado de funcionamento da Unión Europea ás axudas de mínimos (DOUE do 15 de decembro de 2023, Serie L).

4. Examinada a proposta do director da Agadic, e de conformidade con ela,

#### **RESOLVO:**

1. Admitir as solicitudes que se relacionan no Anexo I por cumprir cos requisitos establecidos na convocatoria

1. Subvencionar, polos importes que se expresan, as entidades solicitantes que se relacionan no anexo II.

2. Desestimar, por esgotamento do crédito orzamentario, as solicitudes que se relacionan non Anexo III.

Contra esta resolución, que pon fin á vía administrativa, poderanse interpor os seguintes recursos, sen prexuízo de que as persoas interesadas poidan exercer calquera outro que consideren procedente:

a) Recurso potestativo de reposición ante o presidente do Consello Reitor de





Agadic. O prazo para interpor o recurso de reposición será dun mes se o acto fose expreso ou desde o día seguinte a aquel en que se producise o acto presunto. Unha vez transcorrido o devandito prazo, unicamente se poderá interpor recurso contencioso-administrativo, sen prexuízo, de ser o caso, da procedencia do recurso extraordinario de revisión. Se o acto non fose expreso, a persoa solicitante e outros posibles interesados poderán interpor un recurso de reposición en calquera momento a partir do día seguinte a aquel en que se produza o acto presunto.

b) Recurso contencioso-administrativo ante os xulgados do contencioso-administrativo de Santiago de Compostela, no prazo de dous meses contados desde o día seguinte ao da notificación da resolución, se esta fose expresa, ou no prazo de seis meses contados a partir do día seguinte a aquel en que se produza o acto presunto.

Esta resolución notificaráselle ás entidades interesadas, de conformidade co establecido na Lei do procedemento administrativo común das administracións públicas.

O presidente do Consello Reitor de Agadic

José Carlos López Campos





## ANEXO I

### SOLICITUDES

Fecha Reg Agadic	Núm Reg Agadic	Mod	Solicitante	NIF Solicitante	Proxecto	Importe solicitado
19/07/2024 12:06:47	2264863	A1	Lilian Portela Fontán	***9170**	Xira Mesura en Aragón	1.360,00€
07/08/2024 12:25:00	2395384	A3	Hugo Guilherme Pires Pereira	***8242**	Asistencia á Busan Internacional Market Colectivo Glovo	1.599,66€
29/08/2024 14:28:00	2530917	B1	Montravad, SL	B56472608	Xira de Outono de "Drumless"	4.000,00€
28/09/2024 21:16:00	2803574	B3	Javier Castro Rodríguez	***0488**	Asistencia Bime Pro Bilbao 2024	970,00€
02/10/2024 10:15:00	2838273	A2	Joshua Kenneth Guscín Bernal	***2692**	Kenneth Illusionist	1.722,10€





## ANEXO II

### SOLICITUDES SUBVENCIONADAS E IMPORTES DAS AXUDAS

Fecha Reg Agadic	Núm Reg Agadic	Mod	Solicitante	NIF Solicitante	Proxecto	Importe solicitado	Importe concedido
19/07/2024 12:06:47	2264863	A1	Lilian Portela Fontán	***9170**	Xira Mesura en Aragón	1.360,00€	1.160,00€
29/08/2024 14:28:00	2530917	B1	Montravad, SL	B56472608	Xira de Outono de "Drumless"	4.000,00€	4.000,00€
28/09/2024 21:16:00	2803574	B3	Javier Castro Rodríguez	***0488**	Asistencia Bime Pro Bilbao 2024	970,00€	480,99€

## ANEXO III:

### SOLICITUDES DESESTIMADAS POR ESGOTAMENTO DO CREDITO ORZAMENTARIO NA MODALIDADE

Fecha Reg Agadic	Núm Reg Agadic	Mod	Solicitante	NIF Solicitante	Proxecto
07/08/2024 12:25:00	2395384	A3	Hugo Guilherme Pires Pereira	***8242**	Asistencia á Busan Internacional Market Colectivo Glovo
02/10/2024 10:15:00	2838273	A2	Joshua Kenneth Guscín Bernal	***2692**	Kenneth Illusionist

